

唐肃宗诰命

至德年唐肃宗授予仪兵马副元帅

制曰：


伊尹与汤合，传说与高宗合，尚父与周合，故哲后良臣，莫不至合。非贤良合必不能开，此久大之曲也。公上略宏才，惇信明义，受我旄钺，辑宁区夏，典器铭勋，高视前古。实邦家之杰，岂独为予？社稷之卫，可独弼予。节制咨谋，安危所属，惧朕之不称也。往钦哉！司空子仪可为兵马副元帅，主者施行。

唐代宗封爵诰命

朕惟：戡乱以武，固国家之常经；锡爵报功，实朝廷之盛典。咨尔天下兵马副元帅郭子仪，才犹素著，威望远闻，历事三朝，树鸿犹于鼎峙；力排大难，建王室于再新功。盖天下而人不疑，位极人臣而众不嫉。忠贞自许，受命不渝。当此贼臣肆乱，履险蹈危，单骑见虜，破葛罗之心胆；数言威戒，致回纥之自新。匪特有功于王室，抑且福被于生民，朝纪大张，兴图巩固，宜加褒宠以报厥功。兹特诰封尔为汾阳王之爵，符分世守，永褒勋封。尔其钦哉，毋替朕命。

唐德宗一家荣封诏

朕承天命嗣业洪基，渺身冲幼而托处王公之上。综理万几，而懼失执中之旨，兢兢业业未知所济，深赖我尚父郭子仪奠安海宇。保又王家四朝大难，屡赴削平。文足以润色圣谟，武足以戡定祸乱，亦尝誓盟山河，琢刻金石许宥十世矣。今摄冢宰之位，用克山陵之使，进爵大尉、中书令，增实封通前三千户。尔之高曾祖考，先已追赠为侯；今考妣，加赠前职；卿妻王氏，贞洁节操，令德彰闻，封赵国夫人；次张氏，淑慎懿美，贤声素著，封韩国夫人；卿子郭曜，封代国公；郭晞，封赵国公，进兵部尚书；郭暖，拜驸马都尉，试殿中监，封清源侯；余五人，



皆封列侯；其婿赵纵、王宰等七人，俱进金紫光禄大夫，有差呜呼！劳大者受厚禄，德盛者获尊爵，故武功以显垂，而文德以行褒，尔其恪守厥职，贻厥孙谋，永辅朕之不逮，尚其懋哉！